

1758





Fragment of text from the reverse side of the page, visible through the paper.

Handwritten text at the top of the page, partially obscured by the decorative border.

First paragraph of handwritten text within the decorative border.

Second paragraph of handwritten text within the decorative border.

Third paragraph of handwritten text within the decorative border.

Fourth paragraph of handwritten text within the decorative border.

Fifth paragraph of handwritten text within the decorative border.



Printed text at the bottom of the page, including the words 'PRO PUBLICO' and 'ET M...', likely part of a library or institutional stamp.





# *D. O. M.* *T H E S E S*

*ANATOMICÆ ET CHIRURGICÆ.*



**P**LURIMAS inter species morborum quæ  
hactenus totum per Orbem fuere debacchati,  
quorundam, præsertim, norunt vim & furorem,  
compescuntque Chirurgi. Quot se se monstruosè  
offerunt, tot judicio, manu, ferro, flammâque,  
illi, datâ occasione, debellant. Ex his autem mediis quæ fre-  
quentius in usum mittuntur, illos ut fugant, nullum emissione  
sanguinis frequentius, nullum, ut ita dicam, periculosius.

VARIE autem lædi possunt partes, pro ipsarum fabricâ,  
variè etiam iis opitulemur læsis necessum, quod quidem as-  
sequi licebit, structuram si bene noverimus.

Cum multiplex occurrat operandi materies, & non ferat  
animus omnia hæc in disputatione complecti, aneurisma,  
arteria, &c.



2

trumbum, nervi punctiōem prætermittimus silentio, & de aponevrosi tendiniſque læſione tantum, hîc erit quæſtio. At ut ſecurius hâc in ſemitâ greſſum dirigere poſſimus, ſuſceptumque tractare morbum, anatomicis facibus ducti, ibimus.

---

## E X A N A T O M I A.

### I.

**C**ORPUS humanum vulgò dividitur in truncum & extremitates: ſunt duæ numero inferiores, totidemque ſuperiores, quas tantummodò lubet pervolvere. Priores, ne ulterius extendantur argumenti noſtri limites, omittimus.

SCAPULAM, brachium, antibrachium & manum percuramus, quam quidem ulteriorem, pro anatomico more, in carpum, metacarpum & digitos dividendo.

PRÆDICTÆ partes pluribus aliis conſtant, unamquamque expendere credimus neceſſum, ergo poſteaquàm de tegumentis, muſculis, eorumque membranâ tum peculiari cum communi, nervis, vaſiſque ſanguiferis, oſſibus tandem habuerimus ſermonem, pollicitis fecerimus ſatis.

### I I.

**C**UTIS nomine comprehendimus velamentum corpus totum ambiens, plurimis folliculis vaſorumque cujuſcumque generis complicatâ intricatione reſertum; continet in ſuâ craſſitudine plurimas glandulas, bulbosque è quibus enaſcuntur pili ſub omni epidermidis facie jacentes, mucoſum corpus (aliter dictum reticulare) ſuper eminentes. De ipſius ſtructurâ promptiſſimâque regeneratione (viſu mirabile) miranda loquuntur Auctores. Dabitur forſân aliquando aliquid certiùs quàm quod haſtenùs hâc de re ſcripſerunt curioſi rerum Scrutatores. Glandularum functiones apprime definiert quicumque illas ad craſſum liquorem exprimendum præpoſitas dixerit. Cujus autem cutis ſuperficie externâ, id eſt ſub cuticulâ, ſe ſe offerunt papillæ quæ ſunt extrema nervorum, baſi quorum adhæret corpus reticulare, figuram



3

areolarum exhibens , & quas penetrant vasorum lymphaticorum extremitates. Bulbi propriis calicibus innidulantur , quorum pars posterior in textum cellularem protenditur.

### I I I.

**TEXTUM** cellularem vocant Anatomici membranam multiplicem cellulas à se invicem distinctas suppeditantem cum cute conjunctas : inter musculos fibrarumque fasciculos penetrat. Has replet unctuosum corpus quod experimentis celeberrimi Malpighii in vasa sanguifera facile profluit , pro quiete aut labore, victu plus minusve liberiori , quantitas augetur vel diminuitur.

### I V.

**PILORUM** historiam breviter enarrare hic opus. Illorum structuram videre est ope microscopii. Figura est ferè cylindrica : extrema duo culmen & radix vocantur. Pars mediocorpus dici potest.

**MEMBRANAM** cognoscimus velum fibris innumeris vasculisque quibuscumque efformatum. Vaginam quâ continentur muscoli constituit. Structura ipsius est arctissima ; & fibrillæ è quibus scatet fasciculos musculorum penetrant.

**MUSCULUM** dividimus in extremitates & medium, tendinum aut aponevrosos nomine dabimus extremitates , *medium corpus* vocabimus. Inservit illa pars organica ad motus varios exercendos.

**VASA** sunt tubuli quibus continetur sanguis ad itum è corde usque ad extrema corporis , & reditum ad cor. Priora comprehendunt arterias , posteriora venas. Differunt inter se , 1°. Tuniciis. 2°. Structurâ. Porro illa venarum ita se habet ut valvulas offerant ad sanguinis ascensum , qui impediretur , illud ni iis suppeditasset præsidium natura.

**NERVI** sunt canales auxilio quorum spiritus animales eunt & redeunt.

**OSSA** sunt quibus partes nituntur cæteræ. Jam claudere rivus ut procedamus ad materiam, ne cessum judicamus.

A ij



## EX CHIRURGIA.

## I.

**P**HLEBOTOMIA frequens, periculosa praxis. Quam celebrant operationem, vel minimè chirurgicis rebus imbuti. Hanc, opus quo sanguis extrahitur è venis statuimus.

## I I.

Id operis ad Hypocratis ævum aut tempora Medicorum illius Principis ætatem antecedentia, rejicimus. Capræ Galenus attribuit. Si fides Plinio adhibeatur, illa operandi methodus equo marino debetur.

Ut operari valeat Chirurgus, cognoscenda illi sunt vasa aperienda, instrumenta quorum ope celebrabitur Phlebotomia, modus agendi. Arteriæ venæque secari possunt. Arteriæ scilicet eo loco quo facilis compressio, porro intemporalis, ergo præ cæteris aperienda.

In nostrâ quæstione sicuti solùm agitur de sanguinis missione è brachio, de venis in illâ parte aperiendis scribimus.

## I I I.

CEPHALICA, Mediana, Basilica, nec non cubitalis se se objiciunt. Prima sita in parte superiori externæque cubiti. Altera musculi bicipitis tendini adjacet. Tertia inferior medianâ, vicinior aut superior arteriæ reperitur, & cubitalis versus cubitum internum. Illæ omnes ad carpum procedunt.

Quod adhibetur instrumentum ut laudata perficiatur operatio, vocatur lanceola. Triplex pro structurâ.

## I V.

VASA propter diametrum variè aperiuntur nempè rectè transversim & obliquè. 1° Pungitur vena. 2° Secatur, lanceolam elevando.

OMNIA chirurgus hoc in casu utilia, parentur.



Vena aperienda sæpiùs incumbit tendini bicipitis musculi. Pronatione antibrachii devitabitur offensio tendinis.

Posita ligaturâ, nisi apparuerint venæ aperiendæ, frictionibus ab infimâ parte antibrachii incipientibus ad superiorem, accelerabitur ascensus cruoris. Cavendum à punctiōe nî vas tactui occurrat.

Positis omnibus ad sanguinis missionem requisitis, manu inferiùs in locum pungendum locatâ, semperque hærente digito sub ipso vase ad operationem electo (quod quidem necessum pro rotantibus vasculis) ad operationem te accinges.

Plus minusve perpendiculariter fieri debet punctio pro crassitudine tegumentorum.

### V I.

A TRUMBO, echimosi, tumore lymphatico, aliisque accidentibus abstinemus, solam aponevrosi aut tendinis punctiōnem explanare cupidi.

SÆPIÙS pungitur aponevrosi musculi bicipitis. Dolor quem perſentit æger superiùs & inferiùs eo ipso punctiōnis momento, sævit; à Chirurgo lanceolæ apex reluctans sentitur. Tumor, inflammatio & abscessus tandem sequuntur. Hæc ut domare possimus, iterata sanguinis emissio, anodina, emollientia, resolventiaque sunt in usum mittenda. Si, nedum tumor solvatur, superſit, secundum Artis regulas aperiatur, tractabiturque plaga ſolerter. Tendinem ipsum infelici casu forſan perforaverint: & hoc accidens dolor acutus ab extremitate brachii ad acromion usque, nec-non apicis nimia lanceolæ resistantia, affirmant. Dolor evanescit aliquandò, verùm inflammatio partis totius, febris, convulsivi motus, apostemata sæpiùsque putredo, sequuntur.

### V I I.

Ut his afferamus remedium malis, sanguinis emissio frequens & copiosa est necessaria, regimen observandum, Intus & extus



administranda remedia quorum vi dolor leniatur. Partem offensam cataplasmate anodyno aut emolliente profuerit tegere. Arte tendo detegendus, & parti punctæ linteam spiritû Therebentinæ imbutum, superimponatur.

Si tandem hæc omnia incassum adhibueris, Chirurgi est tendinem ipsum scalpello refecare, & secundum Artem vulnus ad cicatricem perducere.

*De grenoble* Quas Theses, DEO IUVANTE, & Preside M. JOANNE LEBAS, Artium Liberalium & Chirurgiæ Magistro, tueri conabitur CLAUDIUS BERTHOLET, Gratianopolitanensis, in almâ Univerſitate Pariſienſi Liberalium Artium Magister.

P A R I S I I S,

IN REGIIS CHIRURGORUM SCHOLIS.

Die Sabbati 25<sup>a</sup>. Martis anno salutis 1758, à ſeſqui ſecundâ poſt meridiem ad ſeptimam.

PRO ACTU PUBLICO.

ET MAGISTERII LAUREA.

---

Typis Viduæ DELAGUETTE, Collegii & Academiæ Regiæ Chirurgi Typographi, viâ San-Jacobæâ, ſub ſigno Olivæ,